



Na osnovu člana 64. stav (1) tačka b), člana 70., a u vezi člana 32. stav (6) Zakona o javnim nabavkama („Službeni glasnik Bosne i Hercegovine“, br. 39/14 i 59/22) i člana 18. Poslovnika Centralne izborne komisije Bosne i Hercegovine („Službeni glasnik BiH“, broj 32/23, Prečišćen tekst), na preporuku Komisije za nabavku od 11.06.2024. godine, Centralna izborna komisija Bosne i Hercegovine je na 33. sjednici održanoj 18.06.2024. godine, d o n i j e l a

### **ODLUKU** **o izboru najpovoljnijeg ponuđača**

(1) Okvirni sporazum za nabavku usluga – **Štampanja obrazaca za biračka mjesta, izborne komisije i Glavni centar za brojanje i štampanje postera za biračka mjesta i izborne komisije za provođenje Lokalnih izbora 2024. godine LOT 3** dodjeljuje se ponuđaču „Grafika Šaran“ d.o.o. Srđana Aleksića br. 28, 71 000 Sarajevo.

(2) Ponuda ponuđača iz stava 1. ove odluke zadovoljava sve uslove utvrđene u predmetnom otvorenom postupku i ponuđena cijena je prihvatljiva.

(3) Ponuđaču iz stava (1) ove odluke, će biti dodjeljen okvirni sporazum na ukupnu vrijednost u iznosu **od 183.141,88 KM bez PDV, odnosno 214.276,00 KM sa PDV**, na period do dvije godine.

(4) Okvirni sporazum će biti dodjeljen u skladu sa elementima Ponude, te uslovima i kriterijima utvrđenim u obavještenju o nabavci i tenderskoj dokumentaciji.

(5) Ova odluka stupa na snagu danom donošenja.

### **O b r a z l o ž e n j e**

Postupak javne nabavke proveden je putem otvorenog postupka, međunarodni platni razred. Obavještenje o nabavci objavljeno je na portalu Javnih nabavki, broj obavještenja: 794-1-2-97-3-9/24 od 10.05.2024. godine. Primljene su dvije ponude, grupe ponuđača koju čine Javna ustanova „Službeni glasnik RS“, Banja Luka, predstavnik grupe i „Atlantik BB“ d.o.o Banja Luka i ponuđača „Grafika Šaran“ d.o.o. Sarajevo.

Komisija za javnu nabavku imenovana Rješenjem broj: 07-2-16-3-427-2/24 od 04.04.2024. godine izvršila je pregled i ocjenu ponuda (Zapisnik o pregledu i ocjeni ponuda broj: 07-2-16-3-427-19/24 od 11.06.2024. godine je u prilogu ove odluke) i utvrdila da dostavljene ponude su u skladu sa zahtjevima iz tenderske dokumentacije. Potom je utvrđeno da ponuđena cijena grupe ponuđača u iznosu od 257.519,06 KM prevazilazi procjenjenu vrijednost nabavke u iznosu od 183.700,00 KM pa je odbačena ko neprihvatljiva.

Komisija je uputila preporuku Centralnoj izbornoj komisiji BiH za izbor ponuđača „Grafika Šaran“ d.o.o. Sarajevo i dodjelu okvirnog sporazuma za usluge **štampanja obrazaca za biračka mjesta, izborne komisije i Glavni centar za brojanje i štampanje postera za biračka mjesta i izborne komisije za provođenje Lokalnih izbora 2024. godine LOT 3, po ponuđenoj cijeni u iznosu od 183.141,88 KM bez PDV, odnosno 214.276,00 KM sa PDV**, koja je prihvatljiva.

U postupku nije bilo provođenja e-aukcije, jer je jedna ponuda bila prihvatljiva.

Uzimajući u obzir navedeno, odlučeno je kao u dispozitivu ove odluke.

#### **Pouka o pravnom lijeku**

Žalba se izjavljuje Centralnoj izbornoj komisiji BiH u pisanoj formi u tri primjerka neposredno ili elektronskim putem, u roku od deset (10) dana od dana prijema ove odluke.

Broj: 07-2-16-3-427-22/24  
Sarajevo, 18.06.2024. godine

1. Ponuđačima
2. Odsjeku za materijalno finansijske poslove
3. Na web CIK BiH i 4. A/a

